

KUGLAŠKI SAVEZ BOSNE I HERCEGOVINE
Novo naselje 85, Ilijaš, Sarajevo
Bosna i Hercegovina



PROPOZICIJE

- ZA TAKMIČARSKU SEZONU ZAJEDNICE PREMIJERLIGAŠA 2025/26 –

GRADIŠKA, 20. septembar 2025. godine

Propozicije takmičenja su zvanični dokumenti koji detaljno opisuju pravila, uslove i organizaciju određenog takmičenja kao što su sportska prvenstva, kupovi ili drugi turniri. One sadrže sve bitne informacije potrebne učesnicima, organizatorima i navijačima uključujući: Sistem bodovanja, način utvrđivanja plasmana, pravila igre, uslove koje moraju ispunjavati kuglane te disciplinske odredbe. Poželjno je da svaka kuglana, tačnije domaćin utakmice ima oštampanu verziju važećih propozicija.

PROPOZICIJE ZA EKIPNO PRVENSTVO SENIORA I SENIORKI U ZAJEDNICI PREMIJERLIGAŠA BOSNE I HERCEGOVINE ZA SEZONU 2025/26

I. OPŠTE ODREDBE

ČLAN 1.

U zajednici premijerligaša (u daljem tekstu ZPL) Kuglaškog saveza Bosne i Hercegovine (u daljem tekstu KS BiH), u kategoriji seniora takmičiće se 12 klubova po dvostrukom bod sistemu jesen – proljeće. U kategoriji seniorki ulestvuje 6 ekipa a koje će nastupati po četverostrukom bod sistemu. Prvenstvo za obe kategorije počinje 27./28. septembra 2025. godine.

Takmičenje će se odvijati u disciplini 6 x 120 hitaca mješovito. Dozvoljeno vrijeme za seriju od 30 hitaca mješovito je 12 minuta. Ekipa broji 6 igrača i do 4 rezerve. U toku utakmice dozvoljene su dvije zamjene.

ČLAN 2.

Pravo nastupa u ZPL imaju klubovi koji su se prijavili kod entitetskih saveza za učešće i koji uplate kotizaciju prema odluci ZPL. Kotizacija se plaća najkasnije dvije sedmice od obostranog potpisivanja sporazuma na račun entitetskih saveza a savezi će klubovima izdati naloge za plaćanje sa instrukcijama. Za sezonu 2025/26 u cijenu kotizacije uračunate su sledeće stavke: Članarina za NBC, Izrada sajta KSBIH, Nabavka priznanja za najbolje ekipe i pojedince, naknade za komesare suđenja i takmičenja kao i naknade za održavanje sajta. Sve dokaze o utrošenim sredstvima entitetski savezi su dužni dostaviti klubovima na uvid a o načinu utroška preostalih sredstava sa računa odlučuju isključivo predstavnici klubova na osnovu međusobnog dogovora.

Za klubove pravo nastupa imaju igrači prijavljeni od strane kluba i sa odgovarajućom registracijom sa navršenih 13 godina. Igrači koji su se prijavili za dva ili više klubova nemaju pravo nastupa u ZPL kao ni u drugim takmičenjima koje organizuje KS BiH. Na osnovu prijava u entitetskim savezima, pravo učešća u takmičarskoj sezoni 2025/26 imaju sledeći klubovi:

SENIORI: KK Posušje – Posušje, KK Rudar Kakanj – Kakanj, KK Borac – Banja Luka, KK Sloboda – Tuzla, KK Ada – Banja Luka, KK Zrinski Bistarac Ljubače – Lukavac, KK Kozara – Gradiška, KK Rad – Brčko, KK Hercegovac – Bileća, KK Zrinjski – Mostar, KK Rudar – Prijedor i KK Bosna – Visoko.

Seniorke: KK Kozara – Gradiška, KK Rad – Lukavac, KK Rudar – Prijedor, ŽKK Olimp – Brčko, ŽKK Kastel – Banja Luka i ŽKK Vrbas – Banja Luka.

ČLAN 3.

Pored Propozicija ZPL će se odvijati u skladu sa Sportskim pravilnikom KSBIH za kuglanje na 9 čunjeva – klasik, Sudijskim pravilnikom KSBIH, Pravilnikom o registraciji KSBIH, Disciplinskim pravilnikom KSBIH i posebnim uputsvom sudijama. Sastavni dio propozicija čine Kalendar takmičenja, raspored i satnica odigravanja utakmica, spisak igrača koji su prijavljeni, službenih lica klubova, e – mail adrese klubova, naziv kuglane na kojoj nastupaju kao i naziv rezervne kuglane te vrijeme početka odigravanja utakmica.

II. ORGANIZACIJA TAKMIČENJA

ČLAN 4.

Organizator takmičenja je ZPL KS BiH. Za realizaciju i provođenje liga su zaduženi i odgovorni Sekretarijat ZPL kojeg čine: Komesar takmičenja, Komesar suđenja, Disciplinski komesar, Sekretar i Komesar za registraciju. Drugostepeni organ za rješavanje prigovora i žalbi na odluke zaduženih iz stava 1. ovog člana je Sekretarijat ZPL.

Komesar takmičenja rukovodi takmičenjem, vrši kontrolu pojedinačnih i ekipnih zapisnika, registruje utakmice, nakon svakog kola objavljuje rezultate i trenutnu tabelu lige, rješava žalbe klubova kao prvostepeni organ, rješava zahtjeve klubova za odgađanje utakmica i vrši druge poslove predviđene Propozicijama, Pravilnicima KS BiH i odlukama nadležnih organa ZPL.

Sudijski komesar delegira sudije najmanje dva kola unaprijed, kontroliše rad sudija, rješava zahtjeve sudija po svim pitanjima i vrši ostale poslove i zadatke iz Propozicija, Pravilnika KS BiH, Posebnog uputstva sudijama i odlukama nadležnih organa ZPL.

ČLAN 5.

Ligaške utakmice kao glavne sudije, mogu suditi sudije ranga: Savezni sudija, Sudija instruktor i Međunarodni sudija sa važećom licencom.

Domaćin utakmice obavezan je obezbjediti sudije na stazi. Sudije na stazi mogu biti članovi klubova koji nastupaju na utakmici ali ne mogu biti prijavljeni u spisku igrača za tu utakmicu. Izuzetno u mjestu kojem nije moguće odrediti sudije na stazi a da nisu zvanična lica na toj utakmici, o čemu je dužan poslati obavjest klub domaćin utakmice, komesar suđenja delegiraće sudiju zapisničara ili sudije na stazi iz drugog mjesta, po mogućnosti najbližeg odigravanju utakmice.

Izuzetno ukoliko drugačije nije moguće, na stazama mogu suditi igrači i zvaničnici koji se nalaze u prijavi igrača ili funkcionera za tu utakmicu, uz prethodni pristanak predstavnika klubova domaćina i gosta kao i glavnog sudije.

Izuzetno ukoliko ne dođe glavni sudija ili nema nekog sudije na stazi ili kompletne sudijske ekipe, međusobnim dogovorom ekipa i odlukom Takmičarske komisije na kuglani (predstavnici klubova), odrediće se lice ili lica koja će obavljati te funkcije (utakmicu treba odigrati ukoliko postoji i minimalna mogućnost).

ČLAN 6.

Ukoliko neki klubovi traže zamjenu glavnog sudije ili njegovo izuzeće, te zamjenu sudija na stazama, može im se udovoljiti uz obavezu plaćanja svih troškova koji iz toga proizilaze. Zahtjev za izuzeće sudije mora se

dostaviti komesaru suđenja najkasnije osam dana prije utvrđenog termina za odigravanje utakmice.

Sudijski komesar će odlučivati u prvom stepenu:

1. Da prihvati zahtjev za posebno delegiranje ili izuzeće. Ukoliko se prihvati zahtjev kluba Sudijski komesar će odrediti drugog sudiju i blagovremeno obavjestiti ranije delegiranog sudiju, klubove učesnike i komesara takmičenja.
2. Da ne prihvati zahtjev za posebno delegiranje ili izuzeće. U tom slučaju nezadovoljna strana ima pravo žalbe drugostepenom organu, čija je odluka konačna.

Ukoliko klub domaćin ili vlasnik objekta ne dozvoli delegiranim sudijama da sude utakmicu za koju su delegirani, klub domaćin istu gubi službenim rezultatom i nadoknađuje troškove sudijama kao da su sudili utakmicu.

ČLAN 7.

Ukoliko na utakmicama pojedinih klubova bude nepravilnosti ili organizacionih propusta i ukoliko neke utakmice, po ocijeni Komesara takmičenja, budu smatrane utakmicama „visokog rizika“ (npr. utakmice za prvaka ili opstanak), Komesar takmičenja će, obavezno odrediti delegata ZP KS BIH, a na trošak domaćina utakmice.

ČLAN 8.

Datum, mjesto i vrijeme odigravanja utakmica utvrđuje se rasporedom i satnicom.

Utakmice ZPL igraće se subotom ako to neka ekipa želi kao domaćin, sa početkom do 14-17 sati ili nedeljom sa početkom od 12-15 sati.

Gostujuća ekipa treba da ostvari kontakt sa domaćinom najkasnije do srijede do 22 časa i dogovori početak utakmice, ukoliko žele ugovoriti utakmicu van utvrđene satnice.

Ukoliko ne bude međusobnog dogovora smatraće se da utakmica počinje po satnici u rasporedu takmičenja. Ukoliko ekipe dogovorno promjene početak utakmice, uz odobrenje Komesara takmičenja, moraju obavjestiti Komesara suđenja o toj promjeni.

Ovo ne važi za ona mjesta i kuglane gdje će se igrati veći broj utakmica u jednom kolu.

Početak tih utakmica biće unapred određen u rasporedu i satnici takmičenja.

Ukoliko se klubovi međusobno dogovore, utakmicu mogu odigrati i prije utvrđenog termina a dužni su obavjestiti Komesara takmičenja najmanje tri dana ranije.

ČLAN 9.

Utakmica se može odgoditi na zahtjev kluba u sledećim slučajevima:

- Ako jedan ili više igrača ima obavezu u reprezentaciji ili na međunarodnim takmičenjima, ukoliko je za takav nastup dobijena dozvola saveza.
- Ako ekipa ne može doputovati zbog prirodnih i drugih nesreća
- Ukoliko su dva ili više igrača oboljeli od bolesti prouzrokovane epidemijom uz obavezno prilaganje ljekarskog nalaza
- Ekipa koje učestvuju na Pokalima, ako nisu spremne za kolo koje ih sledjuje prilikom završetka učešća na prvenstvu, svoju utakmicu mogu samoinicijativno odgoditi
- Dozvoljena je zamjena domaćinstava u cilju što bržeg odigravanja utakmica na obostranu saglasnost ekipa

ČLAN 10.

Zahtjev za odgađanje utakmice klub je dužan dostaviti Komesaru takmičenja najkasnije tri dana prije određenog termina, a u slučaju prirodne ili druge nesreće ili epidemije 12 sati prije početka utakmice uz obavezu da u roku od 72 sata dostavi potrebne dokaze o opravdanosti zahtjeva.

ČLAN 11.

Ukoliko se utvrdi da razlozi za odgađanje utakmice nisu bili opravdani, klub će utakmicu izgubiti službenim rezultatom i biće novčano kažnjen sa 300 KM sa pokretanjem disciplinskog postupka protiv istog. Kaznu izriče Komesar takmičenja izdavanjem rješenja koji pokreće i disciplinski postupak.

ČLAN 12.

Odgođena utakmica se mora odigrati u roku od 15 dana uz međusobni dogovor klubova a ako to nije moguće novi termin odrediće komesar takmičenja. Izuzetno i samo uz odobrenje Sekretarijata ZPL, odgođena utakmica mora se odigrati najkasnije prije zadnjeg kola jesenjeg dijela prvenstva.

Jednom odgođena utakmica ne može se ponovo odgađati, a protiv kluba koji ne prihvati odluku Komesara takmičenja biće pokrenut disciplinski postupak.

ČLAN 13.

Utakmice poslednja dva kola prvenstva moraju se odigrati po usvojenom rasporedu (nema odlaganja), a sve do tada neodigrane utakmice moraju biti odigrane.

Utakmice posljednja dva kola koje direktno utiču na plasman (za prvaka, za učešće u međunarodnim klubskim takmičenjima i opstanak u ligi) počinju u isto vrijeme koje će odrediti komesar takmičenja.

ČLAN 14.

Ekipa koja iz neopravdanih razloga ne dođe na utakmicu ili istu napusti prije zvaničnog završetka – Istu gubi službenim rezultatom, te se kažnjava novčanom kaznom u iznosu od 300 KM. Ista novčana kazna se odnosi na ekipu koja napusti ligu. Kaznu izriče komesar takmičenja izdavanjem rješenja.

ČLAN 15.

Novčanu kaznu klub je dužan uplatiti na račun koji u rješenju odredi Komesar takmičenja, najkasnije u roku od 5 dana od dana prijema rješenja. Datum prijema rješenja se smatra datumom slanja rješenja putem e-mail adrese. Ukoliko klub ne uplati novčanu kaznu slijedi suspenzija i sve dok ne uplati kaznu neće moći nastupati u daljnjem takmičenju. Sve utakmice koje eventualno ekipa propusti neplaćanjem će biti registrovane za protivničku ekipu rezultatom 8-0. Ukoliko neka ekipa izgubi 2 utakmice službenim rezultatom – isključuje se i daljeg takmičenja a njeni rezultati se brišu kao i ostvareni rezultati

sa svim ekipama koje je ta ekipa odigrala; Isto se odnosi na ekipe koje napuste takmičenje.

ČLAN 16.

Ekipa koja ne nastupi u nekom od poslednja dva kola bez opravdanog razloga, automatski se isključuje iz takmičenja, utakmice se registruju službenim rezultatom a u sledećoj sezoni ta ekipa nastupa u nižem rangu takmičenja. Ukoliko u narednoj sezoni takmičenja, ekipa koja je isključena iz lige ostvari ponovo plasman za ulazak u ligu, to pravo neće moći ostvariti i ostaje i narednu sezonu u nižem rangu takmičenja.

ČLAN 17.

Utakmice ZPL mogu se igrati najmanje na četverostaznim kuglanama koje pripreme klubovi domaćini i koje pregleda ovlašteni pregledavač kuglana NBC i za to izda odgovarajući sertifikat koji mora u prostoru kuglane biti istaknut na vidljivom mjestu. Evidencije o sertifikatima i njihovom roku trajanja za sve kuglane vodi komesar takmičenja.

Utakmice se mogu igrati i na šestostaznim kuglanama gdje takva mogućnost postoji ako to klub odluči i navede u svojoj prijavi za takmičenje.

III. ORGANIZACIJA UTAKMICE

ČLAN 18.

Sve ekipe su dužne nastupiti u trenutno najjačem sastavu.

ČLAN 19.

Utakmicom rukovodi Takmičarska komisija na kuglani koja se sastoji od Glavnog sudije i po jednog predstavnika ekipa (predstavnik ekipe je ono lice čije je ime i prezime upisano u prijavnom obrazcu za utakmicu u rubrici „vođa ekipe“).

Ukoliko Takmičarska komisija na kuglani ustanovi neispravnost čunjeva, kugli, semafora, prljave staze, ili neogovarajuću temperaturu, sudija ne smije dozvoliti početak odigravanja utakmice dok se nepravilnosti ne otklone. Ukoliko se ne otklone u roku od jednog sata, glavni sudija proglašava pobjedu gostujuće ekipe rezultatom 8-0.

ČLAN 20.

a) PRIJAVA EKIPA

Vođa ekipa domaćina obavezan je 30 minuta prije početka utakmice glavnom sudiji predati popunjenu i potpisanu prijavu ekipe zajedno sa igračkim iskaznicama igrača iz prijave.

U Prijavu ekipe za svaku pojedinu utakmicu može se upisati maksimalno deset igrača.

Pri popunjavanju prijave ekipe, vođa ekipe treba čitko upisati ime i prezime igrača i broj takmičarske legitimacije, kao i preostale službene osobe. Prijava se popunjava počevši od početka, tako da eventualna prazna mjesta ostaju na kraju. Jednom prijavljen sastav ne može se mijenjati i dopunjavati. Obavezno se moraju upisati vođa i kapiten ekipe. Kapiten ekipe mora biti jedan od prijavljenih igrača za utakmicu.

Sa lijeve strane Prijave nalaze se redni brojevi od 1 do 6 (startni broj – pozicija za igru), a upisani poredak igrača od 1 do 6 je ujedno i redosljed nastupa na utakmici.

Sportske legitimacije igrača moraju biti produžene za tekuću sportsku godinu, te upisan i ovjeren ljeakarski pregled. Ovjerena – produžena spotska legitimacija važi do 30.06.2026. godine. Ljeakarski pregled mora biti važeći za datum kada se igra utakmica.

Glavni sudija po prijemu iste odmah pregledava vizualno da li je prijava ekipe propisno popunjena, istu potpisuje i daje gostujućoj ekipi na uvid. Vođa gostujuće ekipe obavezan je 20 minuta prije početka utakmice (10 minuta nakon što je dobio sastav domaće ekipe na uvid) Glavnom sudiji utakmice predati popunjenu i potpisanu prijavu ekipe zajedno sa igračkim iskaznicama igrača iz prijave.

Nakon toga detaljno pregledava prijave ekipa, ovjereni popis igrača sa ljeakarskim pregledom i igračke iskaznice, a potom igračke iskaznice obavezno odlaže na svoj stol gdje ostaju do kraja utakmice (a može i vratiti predstavnicima ekipa). U slučaju kada Glavni sudija na nekoj od iskaznica utvrdi nepravilnost, ti igrači gube pravo nastupa o čemu je sudija dužan obavjestiti vođu ekipe, prije početka utakmice.

b) PREDSTAVLJANJE EKIPA

Prije početka utakmice – 10 minuta, obavezno je predstavljanje ekipa u sportkoj opremi. Na predstavljanju mora biti prisutno najmanje 6 šest osoba sa prijave – uključujući igrače + službena lica ekipe (ne moraju biti svi igrači iz prve postave). Ukoliko nije prisutan navedeni broj osoba, ekipa ne može nastupiti.

c) ZAMJENA IGRAČA

Igrači koji izlaze na stazu prije uigravanja a nisu na prijavi ekipe u prvih šest ne smatraju se zamjenama (taktička zamjena). Igrači koji su na spisku u prvih šest a umjesto njih ulaze drugi, nemaju pravo nastupa na toj utakmici.

Ova zamjena se najavljuje Glavnom sudiji bez da protivnička ekipa zna raspored taktičkih zamjena i to: za prvi par 10 minuta prije početka utakmice, a za drugi i treći par prije završetka nastupa igrača u prethodnom bloku.

Moguće su dvije zamjene na maksimalno dvije pozicije. Kod prijave zamjene igrača, vođa ekipe predaje glavnom sudiji karticu Z1 ili Z2 te je u tom trenutku zamjena obavezna i mora se sprovesti odmah a od iste se ne može odustati. U slučaju spriječenosti vođe ekipe karticu Glavnom sudiji može dati bilo koja osoba koja je prijavljena u delegaciji ekipe. Glavni sudija prilikom izmjene zaustavlja igru te igrač koji izlazi iz igre i onaj koji ulazi u igru odlaze na vrh daske položnice prilikom čega sudac najavljuje zamjenu. Glavni sudac evidentira zamjene u skladu sa Propozicijama i Sudijskim pravilnikom. Ako rezervni igrač uđe poslije predstavljanja, tada se istog predstavlja zajedno sa ostalim igračima. Kod zamjene igrača koja se obavi za vrijeme trajanja predkida dužem od 15 minuta, rezervni igrač zajedno sa ostalim igračima ima pravo izvesti pet hitaca u pune.

ČLAN 21.

Obrazci za vođenje utakmice su:

- * Prijava – 2 primjerka
- * Zapisnik igrača za 120 hitaca – 3 primjerka
- * Zapisnik sa utakmice – 3 primjerka

* Izvještaj glavnog sudije – 2 primjerka

ČLAN 22.

Kašnjenje ekipe iz opravdanih razloga glavni sudija će tolerisati do 60 minuta.

Ukoliko neka ekipa ima problema u dolasku (kvar na prevoznom sredstvu, saobraćani zastoј, kašnjenje autobusa ili slično), mora o tome obavjestiti drugu ekipu ili glavnog sudiju utakmice. Ako nema obavještenja, glavni sudija će nakon čekanja u trajanju od 30 minuta, proglasiti prisutnu ekipu za pobjednika službenim rezultatom.

ČLAN 23.

Klub domaćin dužan je:

- da obezbjedi ispravnost kuglane, rekvizita, opreme i pribora te njihovu čistoću
- da obezbjedi dežurno tehničko lice
- da obezbjedi računar i pristup internetu na kuglani kako bi sudije mogle unositi rezultate sa utakmice, te na kraju dostaviti Zbirni spisak i Sudijski izvještaj
- da obezbjedi video prenos na utakmici od postroјavanja pa do kraja

utakmicie i da snimak pohrani na zvanični Youtube kanal kako bi se mogao naknadno pregledati. U slučaju nemogućnosti emitovanja uživo, odmah obavjestiti Komesara takmičenja a utakmicu snimati putem nekog od uređaja koji je za to predviđen. U slučaju neispunjavanja obaveza protiv ekipe domaćina Komesar takmičenja će pokrenuti disciplinski postupak

- da preda sudiji potrebne obrazce za vođenje utakmice
- da obezbjedi tablu ili grafikon za ispisivanje rezultata
- da vodi računa o održavanju reda i ponašanju publike
- da istakne zastavu Bosne i Hercegovine u prostoru sportskog objekta na vidnom mjestu
- da obezbjedi da staze moraju biti namazane i naglancane a čunjско postolje prskano samo prije početka utakmice i to po uputstvu glavnog sudije.

ČLAN 24.

Ukoliko klub domaćin ne ispuni svoje obaveze, glavni sudija u svom izvještaju dužan je evidentirati propuste.

Komesar takmičenja će preduzeti potrebne mjere iz svoje nadležnosti za eventualno učinjene propuste (izreći će novčane i druge kazne u skladu sa pravilima KS BIH).

Ukoliko klub domaćin ne obezbjedi tehničko lice na kuglani, sve posljedice koje mogu nastati idu na trošak domaćina – organizatora utakmice.

Kazna za lošu organizaciju utakmice iznosi 200 Km i kažnjeni klub dužan je navedeni iznos uplatiti na račun koji odredi Komesar takmičenja u roku od 8 dana od dana uručenja odluke. Komesar takmičenja automatski po prijavi glavnog sudije izriče ove kazne.

Ukoliko na vrijeme ne uplati navedeni iznos, slijedi suspenzija i pokretanje disciplinskog postupka. Ako dođe do prekida utakmice zbog

nesportskog ponašanja igrača, rukovodilaca ili gledalaca, odgovorni klub biće kažnjen novčanom kaznom od 1000 KM a protiv odgovornih lica biće pokrenut disciplinski postupak i ekipa utakmicu gubi rezultatom 8-0.

ČLAN 25.

Ukoliko se prije odigravanja utakmice dogodi da se utakmica ne može odigrati zbog neispravnosti kugalne ili nekog drugog razloga, klub domaćin dužan je o tome obavjestiti gostujući klub ili Komesara takmičenja najmanje 12 sati prije utvrđenog termina za odigravanje utakmice.

ČLAN 26.

Ukoliko klub domaćin na vrijeme ne obavjesti gostujući klub i Komesara takmičenja o neispravnosti kuglane i otkazivanju utakmice, gubi utakmicu službenim rezultatom 8-0 i nadokanđuje troškove službenih lica isto kao da se utakmica odigrala.

ČLAN 27.

Ekipe nastupaju sa po dva igrača u bloku prema redosljedu iz prijave. Rezervni igrači ukoliko nastupe, ne moraju nastupati po redosljedu iz prijave. Ekipa na utakmici može nastupiti sa najmanje pet igrača.

Igrači domaće ekipa stalno starataju sa staza 1 i 3, dok gostujući igrači zauzimaju pozicije 2 i 4. Staze se mjenaju po sistemu 1-2-4-3; 2-1-3-4; 3-4-2-1; 4-3-1-2;

Gdje se utakmica igra na šest staza domaći igrači kreću sa neparnih staza dok gostujući igrači kreću sa parnih staza.

ČLAN 28.

Svi igrači jedne ekipe moraju nastupiti u jednodržnoj sportskoj opremi što uključuje dres sa nazivom kluba, šorc, čarape i patike.

Sekundant i treneri prilikom sekundiranja moraju imati obilježje svog kluba što podrazumjeva trenerku, gornji dio dresa ili majicu i patike.

Sekundant može biti bilo koje lice sa prijave.

ČLAN 29.

Sekundantu nije dozvoljeno sekundirati više od jednom igraču. Sekundant može napustiti mjesto samo uz dozvolu Glavnog sudije i može se vratiti prije početka naredne serije bacanja. Ako sekundant napusti bez dozvole sudije nema pravo više da sekundira na toj utakmici, što se smatra prekršajem. Sekundant ne može preuzeti ili završiti dužnost u toku jedne serije bacanja. Ako nema sekundanta ne može se podnijeti prigovor sudiji za eventualno pogrešno vrednovan hitac. Sekundant ne smije ulaziti ili stajati u takmičarskom prostoru niti smije ustajati da bi davao savjete svome igraču. Treneri mogu kontaktirati sa igračima samo preko sekundanta na način da ne ometaju protivničke igrače, sekundante i sudije na stazi.

Ako trener sekundira igraču – postaje sekundant, može sekundirati samo jedan put ili jednom igraču u toku serije od 30 hitaca.

Za prekršaj i Sportskog pravilnika sekundant se kažnjava žutim kartonom. Ukoliko isti sekundant napravi i drugi prekršaj kažnjava se crvenim kartonom i isključuje se iz takmičenja.

Organizator je dužan obezbijediti mjesto za sekundanta pored sudije na stazi.

ČLAN 30.

Na deset minuta prije početka utakmice obavezno je postrojavanje ekipa u sportskoj opremi za predstavljanje i pozdrav publici.

Na predstavljanju nije dozvoljeno biti u duksevima ili majicama koji nemaju obilježje kluba.

Ukoliko se razmjenjuju pokloni između ekipa, to čine kapiteni ili predstavnici ekipa na postrojavanju poslije predstavljanja i pozdrava publici.

Glavni sudija pozdravlja gledaoce, goste i domaćine i upoznaje ih sa svim bitnim podacima za utakmicu, vrši predstavljanje igrača publici prvo domaćina pa gostiju prema redosljedu iz prijave, obema ekipama poželi dobru igru a publici fer i zanimljivu utakmicu.

Sudija daje riječ domaćinu a zatim gostu zbog sportskog pozdrava.

Sportski pozdrav izvodi se na znak kapitena ekipe riječima ZDRAVO glasno izgovorenim od svih igrača ekipe.

Glavni sudija daje znak za početak uigravanja i u toku uigravanja predstavlja publici igrače na stazama.

Uigravanje traje pet minuta u pune na stazama na stazama gdje igrači započinju igru.

Rezervni igrači nemaju pravo uigravanja osim ako nastupe od prvog hitca u bloku. Kada utakmica počne ne može se mijenjati raspored igrača.

Kod zvaničnih lica na utakmici, zvukovi na mobilnim telefonima moraju biti isključeni. Igrač koji za vrijeme bacanja bude imao uključen mobilni telefon, kažnjava se žutim kartonom.

ČLAN 31.

Ako u toku utakmice dođe do kvara na jednoj stazi, utakmica se može nastaviti međusobnim dogovorom ekipa na dvije ili četiri staze ako se igra na šestostaznoj kuglani.

ČLAN 32.

Ukoliko je kvar takav da se utakmica ne može nastaviti i odigrati (nestanak električne energije duže do 120 minuta ili saznanja da neće doći duži vremenski period ili se kvar ne može otkloniti u navedenom vremenu) utakmica se prekida i evidentiraju pozicije kod prekida i odmah se treba dogovoriti oko termina nastavka utakmice. Dogovorom ekipa sa glavnim sudijom, ukoliko je odigrano najmanje 75 posto utakmice, utakmica se može registrovati rezultatom koji je postignut prije prekida i to glavni sudija mora napisati u svom izvještaju uz potpis predstavnika obje ekipe na zapisniku i sudijkom izvještaju.

Ukoliko se utakmica nastavlja u novom terminu ekipe se ponovo prijavljuju (igrači koji nisu završili nastup ili nisu igrali), a redosljed ne mora biti isti kao kod prekida utakmice, stim da igrači koji su završili nastup prije prekida – ne mogu nastupiti.

Troškove nastavka utakmice snosi domaća ekipa.

ČLAN 33.

Obaveze organizatora utakmice:

Treba spriječiti slikanje blicom za vrijeme igre, ometanje igrača (naručito gostujuće ekipe raznim instrumentima kao što su pištaljke , trube i slično), lupanje o stolove, staklo koje dijeli takmičarski dio od tribina, lupanje nogama, psovke, vrijeđanja i slično.

U interesu kuglaškog sporta je omogućiti TV ekipama i reporterima nesmetan rad.

Organizator je odgovoran za očuvanje reda i mira u sportskom objektu.

ČLAN 34.

Eventualne sporove koji se mogu pojaviti na samoj utakmici riješava takmičarska komisija na kuglani zajedno sa glavnim sudijom.

IV. NAČIN BODOVANJA I UTVRĐIVANJE POBJEDNIKA

ČLAN 35.

Ukupan broj POENA na utakmici je osam.

Igra se igrač na igrača.

Svaka serija od 30 hitaca se posebno boduje. Igrač koji obori više čunjeva u setu, osvaja jedan poen. Ako je isti broj oborenih čunjeva u seriji, svaki igrač osvaja po pola set poena. Igrač koji u četiri serije ili seta, osvoji više poena (najmanje 2,5) bez obzira na ukupan broj oborenih čunjeva – osvaja meč poen. Ukoliko je u serijama bilo nerješeno gleda se ukupan broj oborenih čunjeva a ukoliko je i to isto onda igrači dijele meč poen (0,5:0,5). Ekipe koje obori više čunjeva osvaja dva meč poena a ukoliko je ukupan broj oborenih čunjeva isti – ekipe osvajaju po jedan meč poen. Rezultat u meč poenima može biti od 8-0 do 4-4. Pobjednik je ona ekipa koja osvoji 4,5 ili više meč poena i za pobjedu dobija dva boda na Prvenstvenoj tabeli. Ukoliko je rezultat 4-4, ekipe dobijaju po 1 bod.

V. NAČIN BODOVANJA I UTVRĐIVANJE POBJEDNIKA

ČLAN 36.

Plasman na tabeli u toku prvenstva određuje broj osvojenih bodova, a zatim bolji međusobni skor a ako je i on isti onda odlučuje koja je ekipa osvojila više setova. Ukoliko su svi parametri isti za prvaka Bosne i Hercegovine ili učešća na nekom od Pokala ili ispadanja u niži rang takmičenja, igra se majstorica na neutralnom terenu. Mjesto održavanja majstorica će odrediti Komesar takmičenja zajedno sa sekretarijatom a mora se odigrati najkasnije za sedam dana.

ČLAN 37.

Prvoplasirana ekipa ZPL BIH osvaja titulu prvaka Bosne i Hercegovine u kuglanju. Šampionu se dodjeljuje pehar u trajno vlasništvo, 12 medalja i diploma a za preostale dvije ekipe ukoliko bude sredstava od kotizacije.

Prvak BIH u kuglanju ostvaruje plasman na SVJETSKI POKAL, drugoplasirana ekipa na EVROPA POKAL dok će trećeplasirana ekipa nastupiti na NBC POKALU.

Zavisno od plasmana ekipa u Kupu Bosne i Hercegovine, četveroplasirana, petoplasirana i šestoplasirana ekipa (Pravilnik NBC) može da stekne pravo nastupa na NBC Pokalu.

Dvije poslednjeplasirane ekipe napuštaju ligu.

VI. POPUNJAVANJE LIGE

ČLAN 38.

Ligu popunjavaju po jedan prvak entitetskih liga iz KSRS i KS FBiH, odnosno drugoplasirane ili trećeplasirane ekipe, a su skladu sa odlukama organa entitetskih saveza.

ČLAN 39.

Ukoliko neka ekipa iz lige odustane od takmičenja nakon utvrđenog rasporeda odigravanja utakmica, liga se neće popunjavati prije početka takmičenja.

ČLAN 40.

Ukoliko neka ekipa bude isključena iz lige iz razloga utvrđenim Pravilnicima KS BIH i Propozicijama, iz lige će ispasti poslednjeplasirana ekipa.

Ukoliko iz istih razloga, kao u stavu 1. ovog člana budu izbačene dvije ekipe, onda će dvije ekipe ispasti iz lige.

VII. SUDIJE

ČLAN 41.

Glavni sudija odgovoran je za odigravanje utakmice u skladu sa Pravilnicima KS BIH i Propozicijama a detalje po Posebnom uputstvu za rad sudija, dobijenog od Komesara suđenja.

Glavni sudija treba da organizuje preko domaćina meča slanje zapisnika i sudijskog izvještaja.

Po završetku utakmice, glavni sudija je obavezan elektronskom poštom ili telefonom dostaviti zbirni zapisnik i sudijski izvještaj Komesaru takmičenja – Košpić Dražen – 065/940-308 – drazenkospic1989@gmail.com, Komesaru suđenja – Perišić Tatjana 065/802-522 tatjana.perisic@supernovabih.ba

Nakon što pregledaju izvještaje KT je proslijediti zbirne zapisnike klubovima na zvanične mail adrese i sekretaru ZPL. (Božo Stjepić stjepicbozo@yahoo.com – 061708287).

Za obezbjeđenje tehničkih uslova za slanje izvještaja sa utakmice odgovoran je domaćin takmičenja a potom glavni sudija.

Sudijski izvještaj i ekipni zapisnik moraju biti poslani najkasnije jedan sat poslije utakmice a Komesar takmičenja je dužan najkasnije 24 sata poslije odigrane zadnje utakmice poslati izvještaj klubovima.

VIII. PRAVILA PONAŠANJA IGRAČA

ČLAN 42.

- nije dozvoljeno čekati određene kugle i uzimati kugle u pokretu
- sredstva za lijepljenje i bolju kontrolu kugle smiju se upotrebljavati ali upotreba iz spreja nije dozvoljena
- igrač ima pravo lijepljivom trakom označiti mjesto polaska pored daske položnice
- igrač ne smije preći liniju takmičarskog prostora
- zabranjeno je dodirivanje poda rukom ili koljenom, naslanjanje na kuglovod ili zid (izuzetak je pad)
- igrač ne smije baciti kuglu prije nego što se upali zeleno svjetlo na semaforu ili bez dozvole sudije
- prije nego što sudija da znak za početak zagrijavanja ili serije bacanja, igraču nije dozvoljeno da simulira izbačaj bez kugle u ruci

Nesportsko ponašanje je:

- kada igrač i nakon opomene sudije ne počne sa igrom ili je ne nastavlja
- ne priznaje odluke sudije
- ometa protivnika
- glasno priča, galami, pljuje i slično
- diskutuje sa gledaocima
- vrijeđa gledaoce, funkcionere, sudije i slično

ČLAN 43.

Delegirane sudije su dužne na vrijeme doći na utakmicu, najmanje 45 minuta prije početka, a ukoliko su spriječeni da dođu na utakmicu dužni su obavjestiti komesara suđenja da može odrediti zamjenu. Ukoliko je nemoguće naći zamjenu, utakmicom rukovodi tehničko lice sa predstavnicima ekipa.

Glavni sudija koji krši Propozicije i ne postupa u skladu sa istim, a takođe i sudija koji se na pojavi na utakmici bez obrazloženja i bez da

obavjesti KS može biti kažnjen zabranom suđenja do tri utakmice. Odluku o sankcijama donosi Komesar suđenja a sekretarijat je drugostepeni organ u ovom slučaju.

Krajnji rok za traženje zamjene sudije je tri dana prije odigravanja utakmice za koju je sudija određen. Sudija može i sam naći zamjenu ali da to potvrdi KS.

IX. PREKRŠAJI

ČLAN 44.

Igrač koji napravi teži prekršaj na utakmici i za njih bude sankcionisan crvenim kartonom, automatski se suspenduje i nema pravo nastupa na dvije utakmice a u roku do 15 dana se pokreće disciplinski postupak.

Ukoliko disciplinski postupak ne bude pokrenut, igrač ima pravo nastupa poslije 15 dana odnosno dvije utakmice neigranja.

Za teške disciplinske prekršaje (direktan crveni karton), obavezno se provodi disciplinski postupak i utvrđuje kazna u skladu sa pravilnicima KSBIH.

ČLAN 45.

Igrač koji je isključen – NEMA pravo zamjene

X. ŽALBENI POSTUPAK

ČLAN 46.

Žalbe se najavljuju glavnom sudiji u toku ili odmah po završetku utakmice.

Žalbe na nepravilnosti tokom samog takmičenja Sportskog pravilnika odmah se ulažu glavnom sudiji koji prekida utakmicu i istu odmah rješava takmičarska komisija meča većinom glasova.

Ekipa koja je najavila žalbu dužna je na račun koji odredi Komesar takmičenja uplatiti iznos od 200 KM, te dostaviti potrebnu dokumentaciju u roku od tri dana. Žalbe koje se odnose na registraciju igrača u prvom stepenu rješava Komesar za registracije u roku od neradnih 8 dana od dana prijema dokumentacije. Ostale žalbe (pravo nastupa iz drugih razloga, nastup igrača pod kaznom, suspenzijom ili slično) rješava Komesar takmičenja.

ČLAN 47.

Ukoliko Komesar za registracije ili Komesar takmičenja ne dobiju dokaz o izvršenoj uplati takse na uloženu žalbu, žalba se neće razmatrati.

ČLAN 48.

Ako žalba uđe u proceduru rješavaće se na osnovu Sportskog pravilnika za kuglanje na devet čunjeva, Propozcijama takmičenja i drugih Pravilnika KS BiH.

XI. REGULISANJE TROŠKOVA

ČLAN 49.

Kotizacija za ZPL za seniore i seniroke u sezoni 2025/26 iznosi 400 KM i plaća se na račun entitetskih saveza koji će poslati klubovima instrukcije za plaćanje na osnovu entitetskih odluka. Ovu odluku je usvojila Skupština KS BiH na Hitnoj vanrednoj sjednici na dan kada se formirala liga.

ČLAN 50.

Domaća ekipa snosi troškove kugalne i službenih lica na utakmici.

ČLAN 51.

Sudijska taksa za sudijsku ekipu iznosi:

Glavni sudija – 50 KM, Sudije na stazi – 20 KM. Ukoliko se delegira sudija zapisničar, on ima pravo na taksu u visini od 50 KM. Ako se za utakmice visokog rizika odredi delegat, isti ima pravo na taksu u visini od 50 KM plus dnevnica i troškovi prevoza.

Ukoliko utakmica traje duže – kvar na kuglani, troškovi se povećavaju u odnosu na satnicu – 10 KM po satu za svakog člana sudijske ekipe.

Sudije imaju pravo na putni trošak ukoliko nisu iz mjesta gdje se igra utakmica. Putni trošak iznosi cijena 10 litara dizel goriva na 100 kilometara.

Zbog smanjenja troškova, Komesar suđenja može delegirati glavne sudije iz mjesta gdje se utakmica igra ili mjesta koje je najbliže mjestu odigravanja utakmice pod uslovom da sudija nije član te ekipe. Za utakmice koje odlučuju o prvaku ili ispadanju, ovo načelo se ne primjenjuje nego se delegiraju sudije sa najvećim zvanjem i rejtingom ili sudije sa najviše iskustva.

Dnevnica za službena lica iznosi 30 KM za put i suđenje preko 12 sati. Od 8-12 sati provedenih u putu i na utakmici naplaćuje se 20 KM. Za provedenih do osam sati računajući i put i trajanje utakmice, ne može se naplatiti dnevica.

Troškove za službena lica domaća ekipa isplaćuje prije a najaksnije do kraja utakmice. Troškovi utakmice se isplaćuju glavnom sudiji i sudiji zapisničaru ukoliko je delegiran te sudijama na stazi.


XII. ZAVRŠNE ODREDBE

ČLAN 52.

Tumačenje ovih Propozicija u nadležnosti je Komesara takmičenja koji rješava prigovore i žalbe u prvostepenom postupku, rokovima utvrđenim Pravilima KS BiH.

U drugostepenom postupku žalbe rješava Sekretarijat ZPL, u rokovima utvrđenim pravilima KS BiH.

Na odluku Sekretarijata ZPL može se uputiti zahtjev za zaštitu zakonitosti Skupštini ZP KS BiH, čija je odluka konačna.



**Komesar takmičenja
Košpić Dražen**